



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Vera Sapientia Virtute Et Tranquillitate Animi Enchiridion DD. Evcherii Lvgdvnensis, Martini Bracarensis, & Magni Wigonis, Antistitum

Eucherius <Lugdunensis>

Martinus <Bracarensis>

Magnus <Wigo>

Monachii, 1639

Cap. VIII. Svi Vanvm Admiratorem esse merum idolum.

urn:nbn:de:hbz:466:1-10188

C A P. VIII.

*SVI VANVM ADMI-
ratorum esse merum ido-
lum.*

I. **V**Erè colit Deum ille so-
lummodò, qui in eum
verè intendit, cum ve-
ro timoris, vel amoris hono-
ris, vel reuerentiæ, atque ad-
mirationis affectu: hic enim
solus cultus verus, & perfe-
ctus. Quicumque ergo alicui
rei, præterquam Deo, hunc
exhibet, Idololatra verus est.
Qui verò hæc vult sibi exhi-
beri, cuius, nisi diaboli, vera-
citer locum tenet, qui modis
omnibus hæc ab hominibus
cona-

conatur extorquere? Itaque omnes querelæ hominum in hoc sunt, quòd scilicet aut pereunt, aut auferuntur eis dij eorum; id est, creaturæ, quibus hunc verum, & diuinum exhibebant cultum; siue quòd talis eis non exhibetur cultus. Vide ergo, quantum adhuc in te, & in toto mundo regnet Idololatria.

2. Nulla res debet velle amari, tanquam bonum, nisi quæ eo ipso, quòd amatur, suum beatificat amatorem. Nulla autem hoc facit, nisi quæ amatore non eget: Id est, cui non prodest, nec ab alio amari, nec amare aliud.

Crudelissima igitur res est, quæ vult, vt quis in ea intentionem suam, & affectum, & spem constituat, cùm ipsa ei prodesse non possit. Hoc faciunt dæmones, qui pro Dei seruitio, suo volunt homines occupari. Clama igitur tu amatoribus tuis: Cessate iam, miseri, nunc me admirari, reuereri, vel quolibet honorare modo: quoniam ego miser, nec mihi, nec verbis auxilium vllum ferre possum; imò ego egeo vestro. Quantum in te est, omnes homines perdidisti: Interposuisti enim te inter Deum & ipsos; vt verso in te intuitu, & dimisso
Deo,

Deo, te solum admirarentur,
intuerentur, atq; laudarent:
Tibiq; & eis omninò est hoc
inutile; ne dicam damnosum.

3. Nil dignius in creatu-
ris, rationabilibus mentibus,
præsertim pijs: nil vilius, cor-
ruptionibus corporum. Cum
itaque vis esse admirationi
hominibus, hâc ipsâ super-
biâ cæcatus, vide ad quàm
miseranda deueneris; vide er-
gò Iustitiam Dei. Tu enim
proposuisti te Deum, id est,
admirandum excellentissime
parti creaturarum, & ille sub-
iecit te infimæ. Tu enim vo-
luisti, & fecisti quantum in te
fuit, te ab omnibus homini-

M 7 bus

bus sciri, videri, laudari, admirationi & venerationi haberi, amari, timeri, honorari: quæ omnia ab excellentissima omnium creaturarum parte, id est, solis rationabilibus mentibus, soli Deo debentur. Iustè ergò factum est, vt, qui deum dignissimis creaturæ partibus te proponebas, quod in ea vilissimum est, vt deum acciperes: & qui ab excellentissimis, quidquid soli Deo debebatur, extorquere peruersâ usurpatione voluisti, quidquid ipse debebas soli Deo; vilissimis, id est, corruptis corporum cadaueribus, impenderes.

Nam.

Nam omnia, quæ superius
posuisti, soli Deo debita, a-
morem scilicet, & cetera,
istis exhibes toto corde. Dum
ergò vsurpas quidquid est
Dei, laudari scilicet, & cæ-
tera; amisisti quidquid est
hominis, laudare Deum, ad
quod creatus es, & cetera.
Et quia supra summum lo-
cus non est, nec infra infi-
mum, dum supra summum
tendis, infra infimum rur-
sus es. Qui enim aliquo frui-
tur, ei necessè est per amo-
rem subdatur. Tu autem
frueris infimis: ergo infra in-
fima trusus es, vbi locus nul-
lus est.

4. Ami-

4. Amicitia mundi huius, vt beatus Iacobus dicit, *inimica est Deo. Qui enim voluerit esse amicus seculi huius, inimicus Dei constituitur.* Qui autem diligit vel vnā mufcam in hoc mundo, totum mundum diligit necesse est. Totus enim ei, quam diligit rei, necessarius est. Porro quā diu amor huius mundi, tam diu inimicitiae inter Deum, & homines. Cū ergo ab eis te vis diligi, vt inimici Deo fiant, vis. Prædicas autem, vt quidquid est creatum, contemnatur, quatenus Deo reconcilientur. Nunquid ergo te solum excepturus es, di-
au.

cturùsq; hominibus, *Omnia*
contemnite propter Deum, præ-
ter me: ut scilicet nil sit aliud,
quod impediatur reconciliari
hominibus Deo, nisi tu; atque
ita propter te solum inimici-
tiæ inter Deum & homines
perseuerent; sitque nemo sal-
uus, dum diligendo te, totum
mundum diligere coguntur,
tanquam sibi necessarium?
Aliud est autem diligere ho-
mines in mundo, vel propter
mundum; aliud in Deo, vel
propter Deum; aliud cu-
pidè, vel misericor-
diter.

C A P.